

A 1 2 3 4 5 6 M 8 9 10 11 12 13 14 15 B 17 18 19



6 7 8 9 10 11 12 13 14 15 16 17 18 19

一五〇

1962
子XIII

三祖鑑智禪師信心銘

至道無難 唯嫌揀擇 但莫憎愛 洞然明白
毫釐有差 天地懸隔 欲得現前 莫存順逆
違順相爭 是爲心病 不識玄旨 徒勞念靜
圓同太虛 無欠無餘 良由取舍 所以不如
莫逐有緣 勿住空忍 一種平懷 泯然自盡
止動歸止 止更彌動 唯滯兩邊 寧知一種
一種不通 兩處失功 遺有沒 有從空背空



多言多慮轉不相應絕言絕慮無處不通
歸根得旨隨照失宗須更返色勝却前空
前空轉變皆由妄現不用求真唯須息見
二見不住慎勿追尋纔有是非紛然失心
二由一有一亦莫守一心不生萬法無咎
無咎無法不生不心能隨境滅境逐能光
境由能境能由境能欲知兩段元是一空
一空同兩齊含萬象不見精麤寧有偏黨

大道體寬無易無難小見狐疑轉急轉遲
執之失度必入邪路放之自然體無去住
任性合道逍遙絕惱繫念垂真沈湮不好
不好勞神何用踈親欲趣一乘勿惡六塵
六塵不惡還同正覺智者無爲愚人自縛
法無異法妄自愛著將心用心豈非大錯
迷生寂亂悟無好惡一切二邊妄自斟酌
夢幻虛花何勞把捉得失是非一時放下

眼若不睡 諸夢自除 心若不異 萬法一如
一如體玄 兀爾忘緣 萬法齊觀 歸復自然
泯其所以 不可方比 止動無動 動止無止
兩既不成 一何有爾 究竟窮極 不存軌則
啓心平等 所作俱息 狐疑盡淨 正信調直
一切不留 無可記憶 虛明白照 不勞心力
非思量處 識情難測 真如法界 無他無自
要急相應 唯言不二 不二皆同 無不包容

十方智者 皆入此宗 宗非促延 一念萬年 萬年一念
無在不在 十方目前 極小同大 忘絕境界
極大同小 不見邊表 有即是無 無即是有
若不如是 必不須守 一即一切 一切即一
但能如是 何慮不畢 信心不二 不二信心
言語道斷 非去來今

永嘉真覺大師證道歌

君不見絕學無爲閑道人。不除妄想不求真。無
明實性即佛性。幻化空身即法身。法身覺了無
一物。本源自性天真佛。五陰浮雲空去來。三毒
水泡虛出沒。證實相無人法。剎那滅却阿鼻業。
若將妄語誑衆生。自招拔舌塵沙劫。頓覺了如
來。禪六度萬行體中圓。夢裏明明有六趣。覺後
空空無大千。無罪福無損益。寂滅性中莫問會。

比來塵鏡未曾磨。今日分明頂剖析。誰無念誰
無生。若實無生無不生。喚取機關木人問。求佛
施功早晚成。放四大莫把捉。寂滅性中隨飲啄。
諸行無常一切空。即是如來大圓覺。決定說表
真。僧有人不肯任情徵。直截根源佛所印。摘葉
尋枝我不能。摩尼珠人不識。如來藏裏親收得。
六般神用空不空。一顆圓光色非色。淨五眼得
五力。唯證乃知難。可則鏡裏看形見。不難水中

捉月爭拈得。常獨行常獨步。達者同遊涅槃路。
調古神清風自高。貌類膏剛人不顧。窮釋子口
稱貧。實是身貧道不貧。貧則身常披縷褐。道則
心藏無價珍。無價珍用無盡。利物應緣終不吝。
三身四智體中圓。八解六通心地印。上士一決
一切了。中下多聞多不信。但自懷中解垢衣。誰
能向外誇精進。從他謗任他非。把火燒天徒自
疲。我聞恰似飲甘露。銷融頓入不思議。觀惡言

是功德。此則成吾善知識。不因訛謗起怨親。何
表無生慈忍力。宗亦通說亦通定。慧圓明不滯
空。非但我今獨達了。恒沙諸佛體皆同。師子吼
無畏說。百獸聞之皆腦裂。香象奔波失却威。天
龍寂聽生欣悅。遊江海涉山川。尋師訪道爲參
禪。自從認得曹溪路。了知生死不相關。行亦禪
坐亦禪。語默動靜體安然。縱遇鋒刀常坦坦。假
饒毒藥也閑閑。我師得見然燈佛。多劫曾爲忍

辱仙。幾迴幾迴死。生死收攸無定止。自從頓悟
了無生。於諸榮辱何憂喜。入深山住蘭若。岑巖
幽邃長松下。優遊靜坐野僧家。聞寂安居實蕭
灑。覺即了不施功。一切有爲法不同。住相布施
生天福。猶如仰箭射虛空。勢力盡箭還墜。招得
來生不如意。爭似無爲實相門。一超直入如來
地。但得本莫愁末。如淨瑠璃含寶月。我今解此
如意珠。自利利他終不竭。江月照松風吹。永夜

清宵何所爲佛性戒珠心地印霧露震體上衣
降龍鉢解虎錫兩鉢金鏤鳴歷歷不是標形虛
事持如來寶杖親蹤跡不求真不斷妄了知二
法空無相無相無空無不空即是如來真實相
心鏡明鑒無疑廓然瑩徹周沙界萬像森羅影
現中一顆圓光非內外豁達空撥因果莽莽蕩
蕩招殃禍棄有著空病亦然還如避溺而投火
捨妄心取真理取捨之心成巧僞學人不了用

修行深成認賊將爲子損法財滅功德莫不由
斯心意識是以禪門了却心頓入無生知見力
大丈夫秉慧劍般若鋒今金剛斷非但空摧外
道心早曾落却天魔膽震法雷擊法鼓布慈雲
兮灑甘露龍象蹴踏潤無邊三乘五性皆醒悟
雪山肥膩更無雜純出醍醐我常納一性圓通
一切性一法徧含一切法一月普現一切水一
切水月一月攝諸佛法身入我性我性同共如

來合一地具足一切地非色非心非行業彈指
圓成八萬門刹那滅却三祇劫一切數句非數
句與吾靈覺何交涉不可毀不可讚體若虛空
勿涯岸不離當處常湛然覺即知君不可見取
不得捨不得不可得中祇麼得默時說說時默
大施門開無擁塞有人問我解何宗報道摩訶
般若力或是或非人不識逆行順行天莫測吾
早曾經多劫修不是等閑相誑惑建法幢立宗

言明明佛勅曹溪是第一迦葉首傳燈二十八

代西天記

歷江海上此土

菩提達磨為初祖六代傳衣

天下聞後人得道何窮數真不立妄本空有無
俱還不空空二十空門元不著一性如來體自
同心是根法是塵兩種猶如鏡上痕痕垢盡除
光始現心法雙亡性即真堯末法惡時世眾生
薄福難調制去聖遠今邪見深魔強法弱多怨
害聞說如來頓教門恨不滅除令瓦碎作在心

殃在身不須怨訴更尤人欲得不招無間業莫
謗如來正法輪。梅檀林無雜樹。鬱密森沈。師子
住。境靜林間。獨自遊走。飄飛禽皆遠去。師子兒
來隨後。三歲便能大哮吼。若是野行逐法王。百
年妖怪盡開口。圓頓教没人情。有疑不決直須
爭。不是山僧逞人我。修行恐落斷常坑。芥不芥
是不是。老之毫釐失千里。是即龍女頓成佛。非
即善星生陷墜。吾早呈來積慶門。亦曾討疏尋

經論。分別名相。不知休入海筭。沙徒自困。却栽
如來苦。訶責數他珍寶。有何益。從來踏踏覺。行
多羊枉作風塵客。種種邪錯知解。不達如來
圓頓制。二乘精進勿道心。外道聰明無智慧。亦
愚癡亦小騃。空拳指上生實解。執指為月。枉施
功根。境法中虛捏。怪不見一法。即如來方得名
為觀自在。了即業障本來空。未了還須償宿債。
飢逢王饍不能飡。病遇醫王爭得老。存欲行檀

知見力火中生蓮終不壞勇施犯重悟無生早
時成佛于今在師子吼無畏說深^{シラス}咍^{モウ}懔^{モウ}懂^{モウ}頑^{モウ}皮
韃^タ祇知犯重障善提不見如來開^{コト}秘^ヒ訣有二此
丘犯姪殺波離^ハ螢^ハ光增罪結維摩大士頓除^ハ疑
猶如赫日消霜雪不思議解脫力妙用恒沙也
無極四事供養敢^ハ辭^ハ勞^ハ萬兩黃金亦銷得粉骨
碎身未足酬^ハ一句^ハ了然超百億法中王^{モウ}最高勝
恒沙如來同共證我今解此如意珠信受之者

皆相應了了見無一物亦無人亦無佛大千沙
界海中遍一切聖賢如電拂假使鐵輪頂上旋
定慧圓明終不失日可冷月可熱衆魔不能壞
真說象駕^ハ崢嶸^ハ謾進途誰見蟾蜍能拒^ハ轍^ハ六象
不遊於兔徑大悟不拘於小節莫將管見謗蒼
蒼未了吾今爲君決

坐禪儀

夫學般若菩薩先當起大悲心發弘誓願精
修三昧誓度衆生不爲一身獨求解脫爾乃
放捨諸緣休息萬事身心一如動靜無間量
其飲食不多不少調其睡眠不節不恣欲坐
禪時於閑靜處厚敷坐物寬繫衣帶合威儀
齊整然後結跏趺坐先以右足安左膝上左
足安右膝上或半跏趺坐亦可但以左足

右足而已次以右手安左足上左掌安右掌上以兩手大姆指面相拄徐徐舉身前欠復左右搖振乃正身端坐不得左傾右側前身後仰令腰脊頭項脊節相拄狀如浮屠又不

得聳身太過令人氣急不安要令耳與肩對鼻與臍對舌拄上腭唇齒相著目須微開免致昏睡若得禪定其力最勝古有習定高僧坐常開目向法雲圓通禪師亦訶人閉目坐禪以謂黑山鬼窟蓋有深旨達者知焉身相既定氣息既調然後寬放臍腹一切善惡都莫思量念起即覺覺之即失久久忘緣自成一片此坐禪之要術也竊謂坐禪乃安樂法門而人多致疾者蓋不善用心故也若善得此意則自然四大輕安精神爽利正念分明法味資神寂然清樂若已有發明者可謂如龍得水似虎奔山若未有發明者亦乃因風

吹火用力不多但辦肯心必不相賺然而道
高魔盛逆順萬端但能正念現前一切不能
留礙如楞嚴經天台止觀圭峯修證儀具明
魔事預備不虞者不可不知也若欲出定徐
徐動身安詳而起不得卒暴出定之後一切
時中常作方便護持定力如護嬰兒即定力
易成矣夫禪定一門最爲急務若不安禪靜
慮到這裏惣須茫然所以探珠宜靜浪動水

取應難定水澄清心珠自現故圓覺經云無
礙清淨惠皆依禪定生法華經云在於閑處
修攝其心安住不動如須弥山是知超凡越
聖必假靜緣坐脫立亡須憑定力一生取辦
尚恐駸馳泥乃遷延將何敵業故古人云若
無定力甘伏死門掩目空歸宛然流浪幸諸
禪友三復斯文自利利他同成正覺

住鼎州梁山廓庵和尚十牛圖

夫諸佛真源衆生本有因迷也沉淪三界因悟也頓出四生所以有證悟而可成有衆生而可作是故先賢悲憫廣設多途理出偏圓教興頓漸從麤及細自淺至深末後目瞬青蓮引得頭陀微笑正法眼藏自此流通天上人間此方他界得其理也超宗越格如鳥道而無蹤得其事也掃句迷言若靈龜而曳尾間有清居禪師觀

衆生之根器應病施方作牧牛以爲苗隨機設
教初從漸白顯力量之未充次至純真表根機
之漸熟乃至人牛不見故標心法雙亡其理也
已盡根源其法也尚存莎笠遂使淺根疑悟中
下紛紛或疑之落空亡也或嘆作墮常見今觀
則公禪師擬前賢之撰範出己之曾標十頌
佳篇交光相映初從失處終至還源善應群機
如救飢渴慈遠是以探尋妙義探玄微如水

母以尋食依海蝦而爲目初自尋牛終至入鄽
強起波瀾橫生頭角尚無心而可覓何有牛而
可尋泊至入鄽是何魔魅况是祖祢不了殃及
兒孫不揆荒唐試爲提唱

尋牛序一

從來不失何用追尋由背覺以成疎在向塵而
遠失家山漸遠岐路俄差得失熾然是非鋒起

頌曰

忙忙撥草去追尋水闊山遙路更深力盡神疲
無處覓但聞楓樹晚蟬吟

和

石叢真和尚

只管區區向外尋不知脚底已泥深幾迴芳草
斜陽裏一曲新豐空自吟



見跡序二

依經解義閱教知蹤明衆器爲一金體萬物至
目已正邪不辯真僞奚分未入斯門權爲見跡
頌曰

水邊林下跡偏多芳草離披見也麼縱是深山
更深處遠天鼻孔怎藏他
和
枯木巖前老路多草窠裏輟覺非麼脚跟若也
隨他云未免當頭蹉過他



見牛序三

從聲得入見處逢源六根門著著無差動用中頭
頭顯露水中塩味色裏膠青敗上眉毛非是他物

頌曰

黃鸝枝上一聲聲日暖風和岸柳青只此更無
回避處森森頭角盡難成

和

識得形容認得聲戴松從此妙丹青徹頭徹尾
渾相似子細看來未一成



得牛序四

人埋却外今日逢渠由境勝以難追戀芳叢而
不已頑心尚勇野性猶存欲得純和必加鞭楚

頌

竭盡神通獲得渠心強力壯卒難除有時纔到

高原上又入煙雲深處居

和

牢把繩頭莫放渠幾多毛病未曾除徐徐驚鳥
牽將去且要迴頭識舊君



牧牛序五

前思纔起後念相隨由覺故以成真在迷故而
為妄不唯境有惟自心生鼻索牢牽不容擬議

頌

鞭索時時不離身恐伊縱步入埃塵相將牧得
純和也羈鎖無拘自逐人
和
甘分山林寄此身有時亦踏馬蹄塵不曾犯著
人苗稼來往空勞背上人



騎牛歸家序六

干戈已罷得失還無唱樵子之村歌吹兒童之
野曲橫身牛上目視雲霄呼喚不回撈籠不住

頌

騎牛迤邐欲還家羌笛聲聲送晚霞一拍一歌
無限意知音何必鼓唇牙

和

指點前坡即是家旋吹桐角出煙霞忽然變作
還鄉曲未必知音肯伯牙



忘牛存人序

法無二法牛且爲宗喻蹄兔之異名顯筌魚之
毛別如金出鑛似月離雲一道寒光威音劫外

頌

騎牛已得到家山牛也空兮人也閑紅日三竿
猶作夢鞭繩空頓草堂間

和

欄內無牛越出山煙叢兩笠亦空閑行歌行樂
無拘繫贏得一身天地間



人生俱忘序八

凡情脫落聖意皆空有佛處不用邀遊無佛處急
須走過兩頭不著千眼難窺百鳥含花一場懡㦬

頌

鞭索人牛盡屬空碧天寥廓信難通紅爐焰上
爭容雪到此方能合祖宗

和

慚愧衆生界已空箇中消息若爲通後無來者
前無去未審憑誰繼此宗



返本還源序九

本來清淨不受一塵觀有相之榮枯處無為之
凝寂不同幻化豈假修治水綠山青坐觀成默

頌

返本還源已費功爭如直下若言龍庵中不見
庵前物水自茫茫花自紅

和

靈機不隨有無功見色聞聲豈用龍昨夜金烏
飛入海曉天依舊一輪紅



入鄺垂手序十

柴門獨掩千聖不知埋自己之風光負前賢之
途轍提瓢入市策杖還家酒肆魚行他令成佛

頌

露宵跣足入鄺來抹土塗灰笑滿腮不用神仙

真秘訣直教枯木枝花開

和

者漢親從異類來分明馬面與驢腮一揮鐵棒
如風疾萬戶千門盡擊開



入衆日用

出塵離俗圓頂方袍大率經歷叢林切要洞
明規矩舉措未諳法度動止不合律儀雖是
善友良朋詎肯深錐痛剗循襲成弊改革固
難致令叢席荒涼轉使人心懈怠屢見尋常
目前過惠逸集百丈見成楷模原始要終從
朝至暮要免頭頭敗闕直須一一遵行然後

別本亦字
在柳下

敢言究已明心了生達死世間法即是出世
間法行脚人可貽未行脚人庶幾不負出家
身心亦抑同報佛祖恩德謹具于后
入衆之法睡不在人前起不落人後須是五
更鐘未鳴輕輕擡身先起將枕子安脚下未
用摺恐響驚鄰單抖擻精神將被裹身端坐
不得扇風令人動念覺得困來却將被推脚

下轉身將手巾下床手巾搭左手想念偈云

從朝寅旦至暮
若於脚下喪身形

一切衆生自回互
願汝即時生淨土輕手揭簾出後

架不得拖鞋不得咳嗽作聲古云

揭簾須垂後手
出堂切忌拖鞋

輕手取桶洗面水不宜多使齒藥時右手點
一次揩左邊左手點一次揩右邊不得兩手
再蘸恐有牙宣口氣過人嗽口吐水時須低
頭以手引下不得直腰吐水濺鄰桶不得洗

若欲嚴堂

頭有四件自他不利一污桶二污手巾是他
人不利三枯髮四損眼是自己不利不得鼻
孔內作聲不得高聲嘔吐古云五更洗面本
為修行嘔唾拖盆喧堂聒衆拭面歸堂若在
上間左脚先入若在下間右脚先入歸被位
將眠單收一半坐定若換直掇須將新者先
覆身上不得露白不得扇風燒香禮拜宜於

鐘未鳴時披袈裟先合掌頂戴念佛云

善哉解脫服 無相福田衣
我今頂戴受 世世常得披

摺袈裟先摺搭手處後

解環不得以口啣袈裟不得以領勾袈裟摺

了亦當問訊而去如堂殿禮拜不得占中央

妨住持人來不得出聲念佛不得行人頭邊

過須行後面空處五更鐘鳴住持并首座坐

堂不得從前門出入開小靜方摺被拘枕子

礼并

別本註云鐘聲後板

參古先摺
面前一半次
摺近身一半

打給

摺被之法先尋兩角以手理伸向前面先摺
一半次摺身前一半不得橫占鄰單處所不
得抖擻作聲不得以被扇風或歸眾寮喫湯
藥或茶堂經行次第歸鉢位以上肩順轉不
得背人<sup>上肩乃
左肩也</sup>若前門從南頰入不得行北頰
并中央蓋等住持人也木魚響不得入堂或
令行者取鉢堂外坐或歸眾寮入堂歸鉢位

頭

低躬問訊上中下座若已先坐上中下座來
須合掌古云不敬上中下座婆羅門聚會無
殊聞長板鳴下鉢擡身正起立定然後轉身
亦要順上肩合掌取鉢一手托鉢一手解鈎左
手提轉身令正蹲身放鉢免將腰背撞人堂
前鐘鳴下床問訊但是迎住持人不須將手
左右搖拽下床時須近前問訊莫令袈裟搭

鎖伏令及鍊也又音訓
鎖1
半蓋飯

床弦上仍須低細上床不得頓身取鉢安坐
前聞槌聲合掌想偈云

佛生迦毗羅成道摩竭
說法波羅奈入滅俱絺羅

展鉢之法先合掌想念偈

如來應量器我今得敷展願共一切衆等三
輪空寂然後解複帕展淨巾覆膝帕子摺轉
三角向下莫令出單外先展鉢單仰左手取
鉢安單上以兩手頭指拚取鎖子從小次第

三輪
合順處

洋字清規云
出則先起入
則先助

展之不得敲磕作聲仍護第四指第五指爲
觸指不得用鉢拭摺令小并起筋袋近身橫
放入則先起出則先筋手把處爲淨頭向上
肩鉢刷安第立鎖縫中出半寸許盛生飯不
得以匙筋出生飯不過七粒太少爲慳食維
那念佛時合掌手指不得參差須當圓且高底
得所不得以手托口邊古云參差合掌不當

山王食
多少起于止

事一

五

胃十指交加插鼻中拖履揭簾無款細嚔声

泄氣逞英雄两手捧鉢受食想偈云

若受食時當願眾生

禪悅為食法喜充滿或多或少即以右手起止之間遍食

槌看上下肩以面相朝挹食不得正面以手

搖兩邊挹罷作五觀想云

一計二多少量彼來麤 二忖已德行全缺應供

三防心離過貪等為宗 四正似良藥為療形枯

五為成道業故應受此食 出生偈云

汝等鬼神眾我舍施汝供此食遍十方一切鬼神共喫食之法將食就口不

得將口就食取鉢放鉢并匙筋不得有聲不

得咳嗽不得搖鼻涕若噴嚏當以衣袖掩鼻

不得抬頭恐風屑落隣鉢中不得以手挑牙不

得嚼食啜燕美作聲不得鉢中央挑飯不得大

團食不得張口待食不得遺落飯食不得手

搏

把散飯食如有菜滓安鉢後屏處不得以風
扇鄰位如自己怕風即白維那於堂外坐不
得以手枕膝上隨量受食不得請折不得將
頭鉢盛濕食不得將羹汁頭鉢內淘飯不得
挑菜頭鉢內和飯喫食時須看上下不得太
緩未再請不得刷鉢盂不得吮鉢刷作聲食
未至不得生煩惱古云獸獸四顧起悲嘆念

食吞津咳嗽頻漉粥啜羹包滿口開單展鉢
響諸隣洗鉢以頭鉢盛水次第洗鎖子不得
於頭鉢內洗匙筋并鎖子仍屈第四第五指
不得灌漱作聲不得吐水鉢中不得先盛熟
水洗鉢未折水不得先收蓋膝巾不得以膝
巾拭汗不得以餘水漉地上想念折水偈
我此洗鉢水如天甘露味施汝諸鬼衆悉令

得飽滿啗摩休羅細婆訶

收鉢以兩手頭指拼定次第而入複畢合掌

想念食畢偈云

飯食訖已色力充威震十方三世雄
回轉果不在念一切衆生獲神通

寮前板鳴歸寮問訊不歸謂輕侮大衆入門

歸位如僧堂中法立定候寮主燒香畢問訊

上下若有茶就坐不得垂衣不得聚頭語笑

不得隻手挹人不得包藏茶末古云登床宴

坐不可垂衣隻手挹人是何道理私藏茶末

取笑傍觀時中鄰寮道人切忌交頭接耳茶

罷或看經不得長展經謂二面也不得手把

經寮中行不得垂經帶不得出聲不得背靠

板頭者經古云出聲持誦吵噪稠人靠背板

頭輕欺大衆預先出寮莫待打坐禪板若抽

脫古例披五條以淨巾搭左手解條繫梵竿

上脫挂子直綴令齊整以手巾繫定仍懸手
巾尺許作記認不得語笑不得在外催促右
手提水入厠換鞋不得參差安淨桶在前鳴
指三下訾嗽齋躡身須正不得努氣作聲
不得涕唾不得隔壁共人語話古云戶局只
合輕彈指人擁那堪乱作聲入厠用籌分觸
淨出時須水忌縱橫不得以水澆兩邊左手

長久

別本無上字

洗淨護大指第二指不得多使籌子古云浴
湯少使籌子休沾有者使了以水洗之安側
邊空處人多妨衆不宜淨桶安舊處以乾手
安內衣入袴口以乾手開門以右手提桶出
不得以濕手拏門扇并門頰上右手挑灰後
挑土不得以濕手拏灰土不得吐唾和泥土
洗手然後用皂角洗至肘前須一一念入厠

別本無前
二字
惡覺清規無
前二字
頃云及早用
此機宜
衆嫌

真言用水盥漱律中小遺亦洗淨仍嚼楊枝
歸堂坐禪火板未鳴不得先歸寮齋前不得
洗衣粥前齋前放參後不得開函櫃如有急
切自主事人寮中白寮主堂中白聖僧侍者
齋罷僧堂內不得聚頭說話不得在僧堂內
看經看冊子不得上下間行道不得穿堂直
過不得蓆上穿錢不得床前垂脚坐床前一

袒
不得

尺爲三淨地

一展鉢

二安袈裟

三頭所向

不得床上行不得跪膝開函櫃

不得脚踏床緣下地草履五條游山不得經
行佛殿法堂古云袈衣登殿草履游山莫踐
法堂回互者宿不得赤脚着僧鞋不得把手
共行說世諦是非古云別了雙親棄本師訪
尋知識擬何為不曾說着宗門事白首無成

過在誰不得殿前倚靠欄干不得猖狂急走
古云行須緩步習馬勝之威儀語要低聲學
波離之軌範不得佛殿閑行古云無事不須
登寶殿等閑莫向塔中行不曰掃地添香水
縱有河沙福也傾齋後漿洗衣服不得袂袒
不得傾湯瓶泡衣竹竿熨斗使了安元處洗
脚板響不得爭奪脚桶有瘡疥即隨後泡洗

列本生參
了各出半單
下地或大放
參首座寮
前板鳴即
轉身向外

或將桶於屏處洗免衆動念莫待打坐堂板次
第歸堂坐禪放參以眠單半展寮前板響即
時轉身向外須當及時起衆小板鳴不得入
堂不得於堂外立住持首座出堂開單下床
問訊歸寮藥石各就寮位不得先起盛食不
得高聲呼索粥飯鹽醋之類食罷出寮不得
出三門不得入小寮不得袂衣歸僧堂并廊

下行不得候打板出寮昏鐘鳴即合掌念偈

云

聞鐘聲
雖地獄

煩惱輕
出火坑

智慧長
願成佛

善提生
度衆生

須先歸單

位坐禪不得床上抬頭不得床上弄數珠作聲不得與鄰單床上語話鄰單生疎當以善言誘諭不得生嫌惡心未打定鐘不得於前門出入枕子若響火鈴過時方許開燒香禮拜須待更深衆人未睡不得先睡衆人未起

善

須當先起起坐不得驚動鄰單睡須右脇不得仰卧仰爲屍睡覆爲媯睡多惡夢以被巾裹袈裟安枕前今人多安脚下於理不便如遇入浴浴具携乃右手入下間門閫內問訊歸空處挹方右人畢先以五條挂筯竿上展浴復取出浴具放一邊解上衣不可便卸却直撥先脫下面衣裳以脚巾圍身繫浴裙將袒

袴捲摺安復內次脫直裰五條作一處將手巾繫於竿上無手巾以條繫古云三通浴鼓入堂時觸淨須分上下衣却脫其餘衣服作一複覆轉放不得赤脚趨浴須着屐子於下間空庭泊水不得占頭首老宿坐處謂上間也不得以湯水濺人身上不得將桶地上泡脚不得浴室內小遺并洗僻處不得將脚閣桶

上不得語笑不得槽上揩脚不得岸水不得起身撥桶澆身恐水濺左右前後人須當遮護渾身不得多用浴湯脚巾不得離身有脚巾不入桶者或有瘡或洗灸瘡或使疥藥宜隨後入浴不得以兩邊公界手巾拭頭面浴室手巾係着衣後淨手披挂子出浴挹左右先着上分衣并直裰都遮即着下分衣解浴

梨本改脞上
作圖卷

北灰

鐵

裙以脚巾展裙內恐濕浴復手巾携左手不
得以濕脚巾搭手上揖左右出看設浴施主
名字隨意課誦經咒回向寒月向火先坐爐
上然後轉身入爐問訊方坐有處脫鞋在外
不得弄香起火筋不得撥火不得聚頭說話
不得煨點心等物不得炙鞋臭焙脚紵衣裳
等皆不許不得攬起直裾露袴口不得吐唾

并彈垢膩於火爐中

如前所集一日事件衆中威儀非敢聞於老
成聊以誘於初學升堂入室小參諷經念誦
巡察解結人事裝包頂笠送亡唱衣應係微
細軌則清規既已具載尊宿各有明文不再
滿陳徒為贅語已巳嘉定二年佛生日集
于龜峯首座寮比丘宗壽謹識

